



Inatsisartuni ilaasortaq Aqqaluaq Biilmann Egede, Inuit Ataqtigiit  
/maani

## **Kangerlussuaq pillugu § 37 naapertorlugu apeqquteqaammut 2018-338-imut akissut**

11-01-2019  
Suliaq normu: 2019 - 199  
Id normu 37285103

Asasara Aqqaluaq Biilmann Egede

Inatsisartut suleriaasianni § 37 naapertorlugu apeqquteqaatinut nassiuksannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Kangerlussuup mittarfia akilersinnaasumik ingerlassaguni inuit angallattut qassit ukiumut aqqusaartariaqarpaat?**

Akissut: Apeqqutigineqartup Kangerlussuup mittarfiata siunissaa pillugu, suleqatigiissitap suliaminik 2019-imut aningaasanut inatsimmut isumaqatigiisummi allaaserineqartutut qulaajaaffigalugu ingerlateqqinneqarnissaa naatsorsuutigineqarpoq.

Tamatuma saniatigut nalunaarusiaq "Kangerlussuup mittarfiata siunissaa pillugu periarfissatut ilusiliat tallimat" innersuussutigineqarpoq – tassanilu kapitali 5 "Angallannerup ineriartornissaa naatsorsuutigineqartoq" kiisalu kapitali 7-imi Ingerlatsinermi missingersuutinut tunngasut, ilaasutigut tunngavissat mittarfimmi ingerlatsinermut missingersuutinut sunniutissaannut takussutissiiffiusoq pineqarnerupput. Nalunaarusiaq Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalorsorneqarnissaannullu killiliussatut piumasaqaatit pillugit Inatsisartut inatsisaata nr. 4-p, 22. novembari 2018-imeersup suliarineqarneranut atatillugu Inatsisartunut agguanneqarpoq.

### **Apeqqut 2. Kangerlussuarmi pisortat suliffeqarfiutaasa avataasigut suliffeqarfiit namminersortut qanoq akileraarutitigut pissarsiaqaataasimappat ukiuni kingullerni tallimani?**

Akissut: Aningaasaqarnermut Naalakkersuisoqarfik aqutigalugu Akileraartarnermut Aqutsisoqarfimmiit ilaliussassamik pissarsiniartoqarpoq:

"Akileraarnermut Aqutsisoqarfiup maluginiarpaa, "suliffeqarfinit namminersortunit" isertitat apeqqutigineqartut, tassungalu atatillugu oqaatigineqassaaq, matumani inuit suliffeqarfiillu pineqarmata. Naalakkersuisut siusinnerusukkut inunnut tunngatillugu apeqqut tassunga assingusoq akissuteqarfigisimavaat (tak. § 37 naapertorlugu apeqquteqaat 2018-303). Taamaattumik Akileraartarnermut Aqutsisoqarfiup apeqqut manna suliffeqarfinit, tassalu: ingerlatseqatigiiffiit akileraarutinut akiliutaannut tunngasutut paasivaa.

Akilerærnermut Aqutsisoqarfik immikkoortumi apeqqutigineqartumi ingerlatseqatigiiffiit akilerærutitut akiliutaannut paasissutissanik peqanngilaq. Akilerærnermut Aqutsisoqarfiup Qeqqata Kommuniiani, Kangerlussuup inissisimaffigisaani ingerlatseqatigiiffinit akilerærutitigut isertitat, matuma kinguliani naatsorsuutigineqartut ilisimatitsissutiginnaavai.

Ingerlatseqatigiiffiit akilerærutaat, Qeqqata Kommunia, mio. koruunit				
Ukioq isertitaqarfiusoq	2013	2014	2015	2016
	10.891.116	21.785.895	21.182.767	39.062.321

Apeqqutip toqqaannartumik akineqarsinnaaneranut ajornakusoortitsisoq tassaavoq, matumani suliffeqarfiit illoqarfimmi allami qullersaqarfillit, Kangerlussuarmi immikkoortortallit imaluunniit immikkoortortaqaqarfillit pineqarsimasinnaammata. Assersuutigalugu angalaartitsisartut, Sisimiuni najugallit, kisiannili Kangerlussuarmi takornarianik sullissisuusut pineqarsinnaapput. Suliffeqarfinnit taamaattunit ingerlatseqatigiiffinit akilerærutit Kangerlussuarmut immikkoortillugit naatsorsorneqarsinnaasussaangillat."

### **Apeqqut 3. Sisimiuniit Kangerlussuarmut aqquserniornissaq pillugu Naalackersuisut qanoq ilisimasartaqartigippat?**

Akissut: Ilisimasanut tunngavissat Qeqqata Kommuniata aamma Ineqarnermut Attaveqaqatigiinnermullu Naalackersuisoqarfiup akornanni allaffissornermi suleqatigiissitamit, Kangerlussuup siunissaa pillugu suleqatigiissitamut ikiuuttussamit pissarsiarineqarnissaat naatsorsuutigineqarpoq. 2019-imi aningaasanut inatsit pillugu isumaqatigiissummi imatut allassimavoq: "Taamatut aqqusineq pillugu aalajangiinissamut tunngavissiamik pilersitsinissamut kommunimik taamaattumik Naalackersuisut suleqateqassapput, tamatumani saniatigut imminut akilersinnaanerinit misissuinerit nutarterneqassapput, tassani ilaatigut Ilulissani Nuummilu mittarfissuarnik sanaartornissat ilanngunneqassallutik."

Tamatumani saniatigut Assartuussineq pillugu Isumasioqatigiissitap isumaliutissiissutaani tunngavissatut najoqqutassiat pioreersut 2011-meersut innersuussutigineqarsinnaapput.

### **Apeqqut 4. Sisimiuniit Kangerlussuarmut aqquserniortoqarpat Naalackersuisut isumaqarpat tamanna inuussutissarsiornermik inerisaanermik malitseqarumaartoq?**

Akissut: Apeqqut 3-mut akissut takuuk.

**Apeqquut 5. Sisimiuniit Kangerlussuarmut aqquserniornermi akit qanoq inissisimanissaat pillugu Naalackersuisut missingersuuteqarsimappat?**

Akissut: Apeqquut 3-mut akissut takuuk.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Karl Frederik Danielsen